

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Illvstrivm Virorum Epistolae, Hebraicae, Graecae et  
Latinae, Ad Ioannem Reuchlin Phorcensem virum nostra  
aetate doctissimum diuersis temporibus missae**

**Reuchlin, Johannes**

**Hagenoae, 1519**

Ioachimus Vadianus, Ioanni Reuchlin salutem

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

EPIS. ILLVST. VIRORVM AD

Ioannes Cuspinianus Chæroporeus, Ioanni  
Reuchlin salutem.

**E**Ruditionem tuā atq; doctrinā doctissime Capnion iā in oīi  
dudū Europa decantatam ita amplector atq; ex osculor, ut nō  
possim non cōmisereri iam incipiēti tuæ senectuti, q̄ frustra a  
sciolis tentat, sed tu fac uirū te exhibeas, & μετεωρίαν ἢ ἀβλεπίαν  
τῶν μερῶν facias nihili. Forte Climacteric⁹ tuus cū nullum possit  
aut corporis aut fortunæ dispendiū tibi afferre, famæ conat⁹ iacturā  
adducere. Sed te quoq; finge deū. Habes græcas, habes latinās con-  
solationes multiformes, si te iā hebræorū piget, animū nō deiicias  
Sed tu forte mihi noctua Athenas, dices, quod facile q̄ dem fero. Nā  
ita sum totus immerſus. Coss. Romanis, quos a primis Iunio & Bru-  
to ad Theoderici usq; tempora deduxi ex Cassiodoro (nam impera-  
tores omneis & Romanos & Græcos & Germanos & Thurocos iam  
dudum adornatos mea lucubratione exarauī) ut sim noctua hebe-  
tior. Tu uero pro amore meo immo nræ Germaniæ id opæ Cuspi-  
niano p̄stes, audio in Rheno siue sit. Spiræ seu Vuormaciæ adhuc  
extare integrū Ammiani Marcellini opus, q̄ sub Iuliano uixit. Id di-  
ligenter inquiras, ut me certiorē reddas, pro quo uicissim a me quic-  
quid possum exigas. Vale raptim & cursim. Ex Vienna Pannoniæ  
Iexta Aprilis. M.D. XII.

Ioachimus Vadianus, Ioanni Reuchlin salutem.

**A**Ttulit nuper nobis Apologiam a te scriptam doctor oīm do-  
ctissime Simon Lazijs, eruditorū oīm assertor singularis, no-  
stri uero pro sua humanitate studiosissimus. Qua dii boni q̄  
docte q̄ artificiose maleuolētissimū aīm cuiusdā iudæi male bapti-  
zati, refutantē te ac eliminantē comicōs fere quasi in p̄sentia disse-  
rentē aspexi, ubi defensiōis limites mihi multa leſtutorū fruge præ-  
tergressus uideris. Poteras siq̄dem integerrimæ ap̄d oēs famæ sum-  
mæq; ob bene de Germanis meritam eruditionē existimatiōis phi-  
losophus infontissimā opinionem tuā uel paucioribus propugnare  
contra hoīem præsertim in religione nostra nouū & suspectū, relq;  
nouas nequiter molientē, ni in aīo tibi fuisset alijs quoq; uberiore  
disputatione ueritatis ansam corripiendam indicare, quidq; potis-  
simum ea in re phas & iura sinant aperire. Reddidisti me fateor nō  
tam certiorē q̄ doctiorē, eoq; certitudinis puolauit animus, ut in

IO. REVCHLIN. LIBER PRIMVS

sententiæ tuæ robur manibus pedibusq; contēderim. Atq; utinam  
 eæ mihi uires essent, illa animi efficacia, uti tuis quæ sunt copiosis-  
 sime traducta, possẽm uel aliqua parte subscribere, animiq; mei er-  
 ga te tuamq; integritatem ardorem, præter sermonum perpetua  
 præconia characteribus effigiare, quod quia mihi iam negatum est.  
 Utinam Capnion tuæ causæ iudicalem archetypum haberem, cui  
 more Notariorum instrumenta probantium uel hoc solo subsi-  
 gnarem, Et ego Vadianus literarum in Gymnasio Viennensi adsti-  
 pulator, Capnionis causam probō, effero & uicticem iudico ma-  
 nu propria. Sed & hoc ipso forsan non eges, cum ueritas tibi subscri-  
 pserit dudum, qua in omni lite uisa, cessat dissensio. Interea mi do-  
 ctissime Capnion cum sis philosophus & Iouis per secretissima my-  
 steria inter Germanos interpret, attice, latine, & hebraice gnarus, pa-  
 tere te iniuriis peti, cõtumeliis inuadi, famæ inuidia sollicitari, quo  
 in eorum albo ex omni parte numereris, qui sunt citra omnem in-  
 genii aleam habiti, suorum temporum doctissimi, qui & ipsi morfi-  
 bus detractoriis petiti sæpius, nunquam uicti, & cū libros etiam con-  
 scripserint Zoili, nil præter infame nomen eorum posteritas habet  
 Illorum iugi gloria ad nos usq; demanante, qua mirandi ueniūt po-  
 steris & posterorum posteris. Ciceromastix (ut alios sileam) infami-  
 am sibi, at Ciceroni decus ex iniquitate struxit. Capniomastix ex iu-  
 dæo christianus, ex infami per religionem famam nactus, Capnio-  
 ni nostro decori erit, sibi ipsi autem infamiæ, qui libellis famosis tā-  
 topere furat, & deinceps immo non furere sed furari famam opti-  
 morum conetur. Sūt hæc tibi laudi Capnion, q; de religiōe cum eo  
 dissentias, cuius stirps uniuersa christianæ incolumitati fuerit inimi-  
 cissima, q; libros eos eripueris Vulcano, quorum eruditio partim  
 celebris est paucisq; cognita, partim perfidiæ falsitatis & mendacii  
 Iudæorum sempiternum testimonium, quod flammis q̄ rationi-  
 bus magis extirpati minus est sapientis, minusq; fidei nostræ certitu-  
 dini ac stabilitati confidentis. Verū de his forsan tecum alias. Nūc  
 te libet implorare Patrone literarum supreme, uti me in tuorum  
 albo signatum amare uelis, & in eiusdem testimonium rescribere,  
 ut uel manus tuæ habeam, quod uenerer monumentum. Scribam  
 ego posthac ad te & sæpe & libenter. Vale, Viennæ Pannoniæ. No-  
 nis Aprilis. Annō. M. D. XII.